

Segun Rene Herde lider di fraccion di AVP

“AVP no ta na fabor pa legalisa droga”



ORANJESTAD -- Den e manifestacion di dos siman pasa, tabata tin un cantidad grandi di hende cu pancarta cu tabata boga pa legalisa droga. E cantidad di hende tabata asina hopi, cu el a crea e impresion cu tabata un marcha pa legalisa droga.

Hopi ciudadano y turista a puntra si ta bay legalisa droga na Aruba. Minister Otmar Oduber cu tabata presente na e marcha a contesta bon cla cu gobierno di AVP no ta bay legalisa droga. Sigur no tanten cu no tin e pleno seguridad cu e ta keda for di man di hobennan.

Pa hopi hende e otro motibo importante pa no legalisa ni marihuana, ta cu e ta crea un mercado y trafico di droga ilegal y un mundo di criminalidad. E ehempel di Hulanda, cu tur su capacidad hudicial, despues di añanan di experimenta a dicidi pasa e benta di droga for di centro di

ciudadnan. Hala e benta leu for di bisindario di scolnan caminda e benta a bay concentra. Hasta for di fronteranan ta hala e benta pa motibo di e criminalidad enorme cu e ta crea.

Nos no ta bay legalisa droga segun Rene Herde. E marcha di MEP si a parce di ta na fabor di esaki. MEP tin cu bin splica pueblo kico su intencion ta cu legalisacion di droga na Aruba. Tanten e peliger grandi ta existi cu uzo di marihuana ta conduci na uzo di droganen mas pisa. Tanten cu no por tene criminalidad pa for di trafico y benta di droga, e ta keda sumamente irresponsabel pa legalisa droga. Hasta marihuana.”

Rene Herde: “Tin sinembargo un cantidad creciente di prueba cu ta muestra cu uzo di marihuana pa cierto pashentnan pa consuehabel. Ta cu e meta aki tin pais of partinan di paisnan grandi ta con-

sidera legalisacion di marihuana. Pero claramente bou di condicionnan di control stricto. Nos lo mester sigui e desaroyo specifico di uzo pa metanan medico di cerca. Pero tanten cu no por sigura cu ta tene criminalidad for e benta y cu e uzo ta keda especificamente pa uzo medico, nos no ta na fabor di legalisa droga.” □